

## 大伯公

播出時間：2020 / 3 / 4

星期三 中午 12：00

報報小達人：807 林珮筠

稿件編輯：陳思恩老師

各位老師，各位同學，大家午安，我是 807 林珮筠，我是今天的報報小達人，今天，我要為大家播報的內容，是：大伯公

阮翁婿兜是大家族，聽講從清朝的時就對唐山過臺灣，佇臺南館這四箍圍仔咧賺食。百外年來，囝孫生淡，目前蹕佇風神廟附近姓郭的，論真講起來，會使講攏有親情關係，只不過，就親像俗語所講的：「一代親，二代表，三代袂記得了了。」年久月深，逐家干焦知影西羅殿的郭聖王是郭家祖先對唐山請來的老王，現此時啥人是啥人的親情，是已經攏分袂清楚矣！雖然講：「一人一家代，公媽隨人祀。」猶毋過，阮大家官對親情間的感情是誠注重。

伊交待阮講：「若是有人來坐，恁做序細的一定愛好好仔接接，千萬袂使失禮。」所以阮兜不管時都人來客去，親情嘛時常會來行踏，真正是鬧熱滾滾。阮大官總共有十一个兄弟姐妹，逐个面模仔攏生做欲全欲全。

我拄嫁來臺南的時，定定分袂清楚。好佳哉大伯公時常會來坐，只要有伊佇咧，毋管是啥人來，伊會先講予阮知。大伯公是阮大官的大兄，原底我攏綴阮翁 叫伊大伯，後來阮大家共我講：「阮

遮的例是新婦愛綴囡仔叫。」就按呢，我就改喺叫伊大伯公。大伯公從細漢就誠愛讀冊，母但有讀日本人辦的公學校，嘛佇學堂學六年的漢文，所以伊母但日文會通，嘛有法度用臺語來吟唱古詩詞。

佇日本時代，讀第一中學的攞是日本人，咱臺灣人極加干焦會當讀第二中學。講起來大伯公真有才情，有法度考牢臺南第二中學。只不過後來因為厝裡做生理失敗，欠人誠濟錢，伊做大兄的，只好出業了後就去糖廠做會社工，無法度入去伊考牢的學校繼續讀冊。大伯公的指指減一節，聽講是早前佇糖廠的時，無注意去予絞甘蔗的機械削一節去。逐見若聽伊講起這段代誌，阮就會替伊感覺足毋甘的。

聽大伯公講起阮才知影，原來今年伊已經九十桶歲矣。看伊面色紅膏赤蟻，骨頭攞無含梢，身體猶原闊誠勇健，逐工閣會當來回行三、四公里去『YMCA』學英語俾電腦。大伯公這種「食一歲，學一歲」的精神，是上值得阮學習的所在。

以上是今天的 Happy 播，期待下次相見！